

首編

一序文

二照片

三輿圖

四編纂職員

五例言

六大事記

梨樹縣志

臧式毅
題



序

夫山州疆域最重輿圖政教民風詳諸典籍土備輜軒之采平爲階鏡之資此郡縣有志所由來也黎邑志書創自光緒十年迄今五十餘載中間輒改於纂修原書其簡略疇昔政由官辦責在一人邇來注重民生端資羣策況物質文明有日新月異之功統計科學具事物綜核之妙今昔情勢迥不相同進化過程未便湮沒此又及時修志不容延緩者也乃包前任開館於先鄧任繼修於後或因事變以中輟或以未久而去官九仞之山功虧一簣余於甲戌季春重攝黎篆踵事督修五月之間脫稿送核余以縣志之作爲謀增進人民福利非僅備充掌故已也斯編之成在事人員竭慮殫精或訪遺老以傳古或考案卷以證今舉凡禮教兵農之制風土物產之宜以及地方政治因革損益之

迹無不存舊賡新瞭如指掌用備賢士大夫考究得失興衰之故依爲設施之
資斯乃修志之本旨也歟茲當付梓謹述所經權以爲序云

康德元年九月一日梨樹縣長曲廉本序於梨城官廨

序

慨自輜車罷遣謠誦罔聞郡縣陳風端賴夫志志之爲言記也志地理志人物志政治志人事志物產類目雖不同而所以紀變遷訂沿革計得失較盈虛以爲一邑施政之資者則一也志之爲用顧不重且要哉壬申孟春余奉部令參政到黎初至斯邦問俗聞政首惟縣志是求諮詢僚友始知梨邑初名奉化舊有縣志歷五十餘年詳古而略今已不適於用矣而包前任承修之新志草稿未定輟於事變余甚憾之爰謀諸縣長責成經手各員努力續修以期早日完成維時省廳飭修縣志之令亦迭下交催不容或緩於是縣長鄧君炳武提議於前曲君廉本督責於後今幸裒成巨帙付刊有日矣余不禁輾然喜曰自今而後善政之利吾民者何以因之秕政之病吾民者何以革之王道始基何以

進展民志初定何以安撫在官在野一善可風微長足錄者何以表彰以勉既
往而勸來茲胥於志乎是賴其借重爲何如耶綜核全志網羅散失紀載詳明
存舊蒐新賡續靡間在職諸君子之殫精竭慮黽勉以底於成者可謂勤矣至
詳於統計略於詞藻不尙浮夸專重實際雖不敢謂儕夫作者之林然亦足上
供列憲之採擇下備一邑之參考焉噫余鑒及本志之所載邑屬西北各部地
多沙城賦重民貧宜若何利用其土質而謀增加生產抑或輕其負擔助以資
力以造福於斯民者尤爲吾儕在官者所共負之責也志成謹書所感用期同
仁共相勗勉云爾

康德元年歲次甲戌九月一日黎樹縣參事官澤井鐵馬謹序

序

黎邑自光緒十年錢君少如創修志書彼時地屬遐荒設治未久凡山川輿地之圖禮樂兵刑之制不過述其崖略而已迄今五十餘年其間政教遞嬗風化變遷以及文物典章土宜生產之演進興衰年久弗修誠恐石火電光瞬成陳迹余於民國十七年夏攝篆是邦下車問俗以爲志乘不纂文獻無徵繼往開來責無旁貸於是召集紳耆決議重修編列預算呈經核准但因鑒於他邑志未藏而款耗是欲速而不達斷斷焉惟專責之是求蓋亦慎始圖終意也十八年秋邑紳王清海交卸收捐職務余以其人謹愿遂以館長任之是歲十月十五日開始設館聘編輯委調查分功赴事責限成書甫八閱月而王紳逝世乃委編輯主任范紳大全兼之以資熟手並聘陳紳述文協助編修方以爲一簣

之功計日可待不料九一八事變突起余旋即職未竟厥功深以爲憾茲者曲君獻廷再蒞梨任繼續督修復賴孟紳慶璋王紳孟超出而監修俾中輟之志稿潤色殺青從此事蹟瞭然可備輜軒之採得失有徵堪爲借鏡之資余負倡始之責今幸得觀厥成故誌其緣起以弁簡端云爾

康德元年九月一日前梨樹縣縣長包文峻序於省垣

創修奉化縣志序

蓋自西漢書有地里志後世遞相祖述於是郡各有紀邑各有乘夫亦史家之支流餘裔所以備掌故資法守別淑慝寓勸懲實大有裨於官與民者故雖最爾邑不可以無志彰彰也奉邑久屬蒙疆自明季迄國初游牧所在居人鮮少嘉慶初迺奉旨招墾至光緒戊寅始設縣治適震承乏茲土數年來經營創作於興利除弊諸端規模已粗具焉然其地草昧初開鮮聞禮教人文漸起既解絃歌所宜獎掖誘勸每思創修縣志庶士民得所觀感嘗與趙復村學博雅有同志而亟亟者卒弗遑也嗣聞畿南陳見三明經爲安州宿儒品望才名久播時譽其爲文章簡古純粹不求苟悅於世年近五十未得博一第猶從辟書爲人之佐乃於辛巳歲延聘課兒子讀相得甚歡竊謂修志一事可以得所假手

矣因以纂修浼之陳君慨然許可不期次年春予卸任去亦竟不果癸未冬得復任仍掃榻以待陳君惠然偕來適余鄉章潤山明府亦不棄佐余幕並亟以修志事相慫恿余曰時哉時哉其不可失矣十年正月爰召紳士集耆老舉酒以屬之採訪故實俱各欣欣然有喜色而陳君乃親洽士類周爰咨諏徧索兵農勞形案牘或篝燈午夜兀坐攤書或匹馬荒城豪情訪古其精神意興又實覺勃然躍如用是分門而別族援古以證今溯其源流經經緯史著爲論說通德類情每成卷輒與予虛心考究孜孜忘倦故甫閱寒暑全書過半矣而予適有升任興京廳之行乃遂攜稿來續而輯之今春始得蒞事且夫天下事必有可因依而後得所措手耳若奉志則事本創始賦等子虛求之文獻文獻無徵也考之古蹟古蹟難信也而卒得卷次鱗集泐爲一書與古爲新瞭如指掌詳

略有法筆削至公文辭既不涉浮誇事迹惟求其簡白藉非陳君之學優品粹
竭慮殫精又烏能出此我奉之人士即其清微曲折之筆得其殷憂勸戒之心
亦可以奮然興矣而後之官斯土者夫豈指予爲妄哉書旣成乃謀以付梓震
竊喜素志終償又喜陳君之苦於訓俗而先得我心也於是乎書時在光緒十
一年歲次乙酉仲春興京撫民同知前奉化縣知事武林錢開震少如氏謹序

開始編纂職員

督修

卸任梨樹縣長包文峻

監修

清光緒辛卯科舉人孟憲孔

清光緒辛卯科舉人歐暑春

梨樹縣志館館長王清海

梨樹縣志館副館長岳維川

梨樹縣志館副館長趙芳亭

校閱

黎樹縣政府第一科科长曹振鐸

編輯

清優附生李溶

前黎樹縣知事公署行政科員魏輔廷

清選用府經歷監生弓悅賢

調查

黎樹縣立師範畢業張殿甲

黎樹縣自治研究所畢業范毓棠

奉天省立第一師範本科畢業陳煥虞

繼續纂編職員

督修

卸任黎樹縣長鄧炳武

黎樹縣長曲廉本

黎樹縣參事官澤井鐵馬

監修

黎樹縣志館長孟慶璋

黎樹縣志館副館長王孟超

黎樹縣副參事官松村健二

黎樹縣副參事官五十住貞一

黎樹縣志

繼續纂編職員

校閱

清優附生李溶

梨樹縣公署總務科長紀振元

參閱

清文庠生唐國士

薦任職太史恩鴻

清文庠生邵元志

清歲貢生孟松喬

奉天警備司令部軍法處長王冠英

前奉天省議會議員王伯勳

黎樹縣地方自治委員會委員張允賢

黎樹縣公署教育局長劉錫鋼

黎樹縣公署總務科文書股長朱榮舜

黎樹縣公署總務科庶務股長趙連璧

編輯

簡任職存記升用范大全

黎樹縣公署內務局長陳述文

黎樹縣公署總務科員郭樹枌

遼中師範講習所畢業吳德一

調查

奉天省立第一師範學校畢業田宗勤

奉天高等警務畢業辛雨辰

北平朝陽大學院畢業王殿槐

黑山縣初中學校畢業郭振清

前梨樹縣公署會計課長蘇鳳林

繪圖

奉天省立第一師範本科畢業陳煥虞

校對

奉天警備司令部軍法官王鵬

奉天文化興印書局校對趙華圃

謄錄

梨樹縣立師範講習科畢業鄭侶樵

梨樹縣立第三高級小學校畢業王吉亥

庶務會計

梨樹縣農務會文牘員王育軒